



ORDENANZA NÚM.: 8

ORDENANZA FISCAL REGULADORA DA TAXA POR EXPEDICIÓN DE DOCUMENTOS ADMINISTRATIVOS

Artigo 1º.-FUNDAMENTO E NATUREZA.

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de Abril, reguladora das Bases de Réxime Local, e de conformidade co disposto nos artigos 15 a 19 da Lei 39/1988, de 28 de Decembro, reguladora das Facendas Locais, este concello establece a **Taxa por expedición de documentos administrativos**, que se rexerá pola presente Ordenanza fiscal, cujas normas atenden ó previsto no artigo 58 da citada Lei 39/1988.

Artigo 2º.-FEITO IMPOÑIBLE.

1. Constitúe o feito imponible da taxa a actividade administrativa desenvolta co gallo de tramitación, a instancia de parte, de toda clase de documentos que expida e de expedientes de que entenda a administración ou as autoridades municipais.

2. A estos efectos, entenderase tramitada a instancia de parte calquera documentación administrativa que fora provocada polo particular ou redunde no seu beneficio, aínda que non mediase solicitude expresa do interesado.

Artigo 3º.-SUXEITO PASIVO.

1. Son suxeitos pasivos contribuíntes as persoas físicas ou xurídicas e as entidades a que se refire o artigo 33 da Lei Xeral Tributaria, que soliciten, provoquen ou en cuxo interese redunde a tramitación do documento ou expediente de que se trate.

Artigo 4º.-RESPONSABLES.

1. Responderán solidariamente das obrigas tributarias do suxeito pasivo, as persoas físicas ou xurídicas a que se refiren os artigos 38.1 e 39 da Lei Xeral Tributaria.

2. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei Xeral Tributaria.

Artigo 5º.-BENEFICIOS FISCAIS.

1. Gozarán de exención aqueles contribuíntes nos que conorra algunha das seguintes circunstancias:

- a) Estar inscritas no padrón de Beneficiencia como pobres de solemnidade.
- b) Ter obtido o beneficio xudicial de pobreza, respecto aos expedientes que deben facer efecto, precisamente, no procedemento xudicial no que foran declarados pobres.

2. Non se admitirá nesta taxa beneficio tributario algún que non veña establecido en Tratados ou Acordos Internacionais, ou en normas con rango de lei.

Artigo 6º.-COTA TRIBUTARIA.

1. A cota tributaria determinarase por unha cantidade fixa sinalada segundo a natureza dos documentos ou expedientes a tramitar, de acordo coa tarifa que contén o artigo seguinte.

2. A cota de Tarifa corresponde á tramitación completa, en cada instancia, do documento ou expediente de que se trate, dende o seu incio ata a súa resolución final, incluída a certificación e notificación ao interesado do acordo recaído.



3. As cotas resultantes por aplicación das anteriores tarifas incrementaranse nun 50% cando os interesados solicitasen con carácter de urxencia a tramitación dos expedientes.

Artigo 7º.-TARIFA.

A tarifa desta taxa será a que figure no anexo.

Artigo 8º.-DEVENGO.

1. Devengarase a Taxa e nace a obriga de contribuír cando se presente a solicitude que inicie a tramitación dos documentos e expedientes suxeitos ao tributo.

2. Nos casos a que se refire o número 2º, o devengo prodúcese cando teñan lugar as circunstancias que provoquen a actuación municipal de oficio ou cando esta se inicie sen previa solicitude do interesado pero redunde no seu beneficio.

Artigo 9º.-INGRESO.

1. A taxa esixirase en réxime de autoliquidación, e normalmente polo procedemento do selo municipal adherido ao escrito de solicitude da tramitación do documento ou expediente, ou nestes mesmos se aquel escrito non existira, ou a solicitude non fora expresa.

2. Os escritos recibidos polos condutos a que se fai referencia no artigo 66 da Lei de Procedemento Administrativo, que non veñan debidamente reintegrados, serán admitidos provisionalmente, pero non se lle poderá dar curso sen que se subsane a deficiencia, a cuxo fin se requerirá ao interesado para que, no prazo de dez días, aboe as cotas correspondentes co apercibimento de que, transcorrido o devandito prazo sen efectualo, teranse os escritos por non presentados e será arquivada a solicitude.

3. O importe desta taxa poderase esixir mediante o pago en efectivo, substituíndose o selo municipal por un recibo duplicado, un de cuxos exemplares unirse ao escrito e outro á copia que se devolva ao interesado.

Artigo 10º.-INFRACCIÓN E SANCIONS.

En todo o relativo á calificación de infraccións tributarias, así como das sancions que ás mesmas correspondan en cada caso, estarase ao disposto nos artigos 77 e seguintes da Lei Xeral Tributaria.

DISPOSICIÓN FINAL.

A presente Ordenanza fiscal, cuxa redacción definitiva foi aprobada polo Pleno da Corporación en sesión celebrada na data 29 de setembro des 1989, entrará en vigor o mesmo día da súa publicación no Boletín Oficial da Provincia e será de aplicación a partir do día 1 de xaneiro de 1990, permanecendo en vigor ata a súa modificación ou derogación expresa.

MODIFICACIÓN DO ANEXO DA ORDENANZA REGULADORA DA TAXA POLA EXPEDICIÓN DE DOCUMENTOS ADMINISTRATIVOS

CADRO DE TARIFAS

- a) Por certificación de informes urbanísticos..... 13,60 Euros
- b) Por certificación o informes relativos o Catastro.....6,80 Euros
- c) Por outras certificacións ou informes (excepto empadramento e convivencia..... 1,70Euros
- d) Por cada fotocopia0,10 Euros
- e) Por cada fotocopia compulsada 0,51 Euros
- f) Por cada fotocopia de planos en DIN A-2..... 1,79 Euros
- g) Por autorizacións festexos e actos públicos 10,20 Euros



Concello de
SOUTOMAIOR
PONTEVEDRA

- h) Solicitude para tomar parte no procedemento de selección do persoal..... 22,65 Euros
- i) Por expedición de informes relativos a accidentes de circulación realizados pola policía local 61,30 Euros
- j) Por licencias municipais de segregación e reparcelación:
 - En solo Urbano ou urbanizable 92,00 Euros
 - En solo rústico 30,60 Euros

Non estarán suxeitas á Ordenanza as segregacións ou parcelacións que teñan por obxecto única e exclusivamente a dos terreos obxecto de cesión obrigatoria e gratuíta.

Aprobacion definitiva: 29 de Setembro de 1989

PUBLICACIÓN no B.O.P. Núm..299 do 27 de Decembro de 1989

Modificacións:

- no B.O.P. núm. 45 do 6 de marzo de 1997, aprobada polo Pleno o 28 de novembro de 1996.
- no B.O.P. núm.11 do 16 de xaneiro de 2001, aprobada polo Pleno o 13 de Novembro de 2000.
- no B.O.P. núm.238 do 12 de decembro de 2001, aprobada polo Pleno o 27 de Setembro de 2001.
- no B.O.P. núm.244 do 20 de decembro de 2002, aprobada polo Pleno o 7 de Outubro de 2002.
- no B.O.P. núm. 247 do 23 de decembro de 2003, aprobada polo Pleno o 30 de Outubro de 2003
- no B.O.P. núm. 245 do 22 de decembro de 2004, aprobada polo Pleno o 14 de Outubro de 2004.
- no B.O.P. núm. 235 do 9 de decembro de 2005, aprobada polo Pleno o 29 de Setembro de 2005.
- no B.O.P. núm. 244 do 22 de decembro de 2006, aprobada polo Pleno o 2 de Novembro de 2006.
- no B.O.P. núm. 244 do 22 de decembro de 2006, aprobada polo Pleno o 2 de Novembro de 2006.
- no B.O.P. núm. 249 do 28 de decembro de 2007, aprobada polo Pleno o 9 de Novembro de 2007.